

BX2030

A3

1855

V. 2



FONDO BIBLIOTECA PUBLICA
DEL ESTADO DE NUEVO LEON

PONTIFICALIS

PARS SECUNDA.

DE BENEDICTIONE ET IMPOSITIONE

PRIMARII LAPIDIS PRO ECCLESIA AEDIFICANDA.



NEMO Ecclesiam aedificet, priusquam Pontificis iudicio locus et atrium designentur, et quid ad luminaria, quid ad rectoris, ministrorumque stipendia sufficiat, quidque ad Ecclesiae dotem pertineat, definiatur; et per eum, vel ejus auctoritate, per Sacerdotem crux in loco figatur, et lapis primarius in fundamento

PARS II.

ponatur. Pridie igitur lignea crux in loco, ubi debet esse altare, figatur. Sequenti vero die, lapis in Ecclesiæ fundatione ponendus, qui debet esse quadratus et angularis, benedici debet hoc modo. Pontifex paratus supra rochetum, vel, si sit regularis, supra superpellicem, amictu, alba, cingulo, stola, et pluviali albi coloris, et mitra simplici, et baculum Pastoralem in sinistra tenens, stans, cum mitra, in loco ubi Ecclesia est fundanda, benedicit sal, et aquam, dicens :

Ÿ. Adjutórium nostrum in nómine Dómini.

Ŕ. Qui fecit cœlum, et terram.



EXORCIZO te, creatúra salis, per Deum ✠ vivum, per Deum ✠ verum, per Deum ✠ sanctum, per Deum, qui te per Eliséum Prophétam in aquam mitti jussit, ut sanarétur sterilitas aquæ; ut efficiáris sal exorcizátum in salutem credéntium; et sis ómnibus suméntibus te sánitas ánimæ et córporis; et effúgiat, atque discédât a loco, in quo aspérsus fúeris, omnis phantásia et nequítia vel versútia diabólicæ fraudis, ómnisque spíritus

immúndus, adjurátus per eum qui ventúrus est judicáre vivos et mórtuos, et sæculum per ignem. Ŕ. Amen.

Deinde, depositis baculo Pastoralis et mitra, junctis manibus dicit :

Ÿ. Dómine, exáudi oratióne meam.

Ŕ. Et clamor meus ad te véniat.

Ÿ. Dóminus vobíscum.

Ŕ. Et cum spíritu tuo.

OREMUS.

IMMENSAM cleméntiam tuam, omnípotens ætérne Deus, humiliter implorámus, ut hanc creatúram salis, quam in usum géneris humáni tribuísti, bene ✠ dicere, et sancti ✠ ficáre tua pietáte dignéris; ut sit ómnibus suméntibus salus mentis et córporis; et quidquid ex eo tactum, vel respérsus fúerit, cáreat omni immundítia, ómnique impugnatione spirituális nequítie. Per Dóminum nostrum Jesum Christum Filium tuum, qui tecum vivit et regnat in unitáte Spíritus sancti Deus, per ómaia sæcula sæculórum. Ŕ. Amen.

Tum acceptis mitra et baculo Pastoralis, super aquam absolute dicit :

EXORCIZO te, creatúra aquæ, in nómine Dei Pa ✠ tris omnípoténtis, et in nómine Jesu Christi Fi ✠ lii ejus Dómini nostri, et in virtúte sancti ✠ Spíritus, ut fias aqua exorcizáta ad effugándam omnem potestátem inimíci, et ipsum inimícum eradicáre et explantáre váleas, cum ángelis suis apostáticis, per virtútem ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem. Ŕ. Amen.

Deinde, depositis baculo Pastoralis, et mitra, junctis manibus dicit :

Ÿ. Dómine, exáudi oratióne meam.

Ŕ. Et clamor meus ad te véniat.

ŷ. Dóminus vobíscum.

ŕ. Et cum spírítu tuo.

OREMUS.

DEUS, qui ad salutem humáni géneris máxima quæque Sacraménta in aquárum substántia condidisti, adesto propítius invocatióibus nostris, et eleménto huic multimodis purificatióibus præparáto, virtútem tuæ benedictiōnis infúnde; ut creatúra tua mystériis tuis sérviens, ad abjiciéndos dæmones, morbósque pelléndos, divínæ grátiae sumat efféctum; ut quidquid in dómibus, vel in locis fidélium, hæc unda respérserit, cáreat omni immundítia, liberétur a noxa: non illic resideat spírítus péstilens, non aura corrúmpens; discédant omnes insidiæ laténtis inimíci, et si quid est quod aut incolumitáti habitántium invidet, aut quiéti, aspersione hujus aquæ effúgiat; ut salúbritas per invocatióem sancti tui nóminis expetíta, ab ómnibus sit impugnationibus defénsa. Per Dóminum nostrum Jesum Christum Filium tuum, qui tecum vivit et regnat in unitáte Spírítus sancti Deus, per ómnia sæcula sæculórum. ŕ. Amen.

Pontifex mittit sal in aquam, in modum crucis, dicendo semel:

COMMISTIO salis, et aquæ páriter fiat. In nómine Pa-
tris, et Fi-
lii, et Spírítus sancti. ŕ. Amen.

ŷ. Dóminus vobíscum.

ŕ. Et cum spírítu tuo.

OREMUS.

DEUS, invictæ virtútis auctor, et insuperábilis impérii rex, ac semper magnificus triumphátor, qui advérsæ dominationis vires réprimis, qui inimíci rugiéntis sævitiam súperas, qui hostiles nequítias poténter expúgnas, te, Dómine, treméntes, et súpplices deprecámur, ac pétimus, ut hanc creatúram salis, et aquæ dignánter

aspicias, benígnus illústres, pietátis tuæ rore sanctifices: ut ubicúmque fúerit aspérsa, per invocatióem sancti tui nóminis, omnis infestátió immúndi spírítus abigátur, terrórque venenósi serpéntis procul pellátur, et præsentia sancti Spírítus nobis misericórdiam tuam poscéntibus, ubique adesse dignétur. Per Dóminum nostrum Jesum Christum Filium tuum, qui tecum vivit et regnat in unitáte ejúsdem Spírítus sancti Deus, per ómnia sæcula sæculórum. ŕ. Amen.

Tum Pontifex accipit mitram, et schola cantat Antiphonam et Psalmum sequentes. Interim dum ea cantantur, Pontifex cum mitra aspergit locum, ubi crux posita est, cum aqua per eum benedicta.



Antiphona.

1 Toni.



Si-gnum sa-lu-tis po-ne, Do-mi-ne Je-su



Chri-ste, in lo-co i-sto, et non per-mit-tas



in-tro-i - re an-gelum per-cu - ti-en - tem.



Ps. Quam di-le-cta ta-ber-na-cula.



E u o u a e. *vel* E u o u a e.

PSALMUS 83.

QUAM dilécta tabernácula tua Dómine virtútum, * concupiseit et déficit ánima mea in átria Dómini.

Cor meum et caro mea : * exultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos.

Altária tua Dómine virtútum : * Rex meus, et Deus meus.

Beáti qui hábitant in domo tua Dómine : * in sæcula sæculórum laudábunt te.

Beátus vir cujus est auxilium abs te : * ascensiónes in corde suo dispósuit in valle lacrymárum, in loco quem pósuit.

Etenim benedictiónem dabit legislátor, ibunt de virtúte in virtútem : * vidébitur Deus deórum in Sion.

Dómine Deus virtútum exáudi oratióem meam : * áuribus pércipe Deus Jacob.

Protéctor noster áspice Deus : * et réspice in fáciem Christi tui.

Quia mélior est dies una in átriis tuis : * super millia.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam et veritátem diligit Deus : * grátiam et glóriam dabit Dóminus.

Non privábit bonis eos qui ámbulant in innocéntia : * Dómine virtútum ; beátus homo qui sperat in te.

Glória Patri. Sicut erat, etc.

Finitis Antiphona et Psalmo prædictis, Pontifex stans versus ad locum per eum aspersum, deposita mitra, dicit :

OREMUS.

DOMINE Deus, qui licet cælo et terra non capiáris, domum tamen dignáris habére in terris, ubi nomen tuum júgiter invocétur ; locum hunc, quæsumus, beátæ Mariæ semper vírginis, et beáti N. (nominando Sanctum, vel Sanctam, in cujus honorem, ac nomen fundabitur Ecclesia), omniúmque Sanctórum intercedéntibus méritis, seréno pietátis tuæ intúitu vísita, et per infusióem grátiae tuæ ab omni inquinaménto purifica, purificatúmque consérva, et qui dilécti tui David devotióem, in filii sui Salomónis ópere complevísti, in hoc ópere desidéria nostra perficere dignéris, effugiántque omnes hinc nequitiæ spirituáles. Per Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus, per ómnia sæcula sæculórum. *ñ.* Amen.

Post hæc stans adhuc sine mitra Pontifex, benedicit primarium lapidem, dicens :

ñ. Adjutórium nostrum in nómine Dómini.

ñ. Qui fecit cælum, et terram.

ñ. Sit nomen Dómini benedictum.

ñ. Ex hoc nunc, et usque in sæculum.

- Y. Lápídem quem reprobavérunt ædificántes.
 R. Hic factus est in caput ánguli.
 Y. Tu es Petrus.
 R. Et super hanc petram ædificábo Ecclésiám meam.
 Y. Glória Patri, et Filio, et Spíritui sancto.
 R. Sicut erat in princípío, et nunc, et semper : et
 in sæcula sæculórum. Amen.

OREMUS.

DOMINE Jesu Christe, Fili Dei vivi, qui es verus omnipotens Deus, splendor et imágo ætérni Patris, et vita ætérna, qui es lapis anguláris, de monte sine má-nibus abscíssus; et immutábile fundaméntum; hunc lápídem collocándum in tuo nómine confirma : et tu, qui es princípium et finis, in quo princípío Deus Pater ab initío cuncta creávit, sis, quæsumus, et princípium, et increméntum, et consummátio ipsius óperis, quod debet ad laudem et glóriam tui nóminis inchoári. Qui cum Patre et Spíritu sancto vivis et regnas Deus, per ómnia sæcula sæculórum. R. Amen.

OREMUS.

DOMINE sancte, Pater omnipotens, ætérne Deus, benedícere dignáre hunc lápídem in fundaméntum Ecclésiæ, in honórem sancti N. Per Dóminum nostrum Jesum Christum Filium tuum, lápídem probátum, angulárem, pretiósum, in fundaménto fundátum, de quo dicit Apóstolus, Petra autem erat Christus. Qui tecum et cum Spíritu sancto vivit et regnat Deus, per ómnia sæcula sæculórum. R. Amen.

Tune aspergit lapídem ipsum aqua benedicta, et accepto cultro, per singulas partes sculpit in eo signum crucis, dicens :

In nómine Pa ✠ tris, et Fi ✠ li, et Spíritus ✠ sancti.
 R. Amen.

Quo fácto, dicit :

OREMUS.

BENEDIC, Dómine, creatúram istam lápídis, et præsta per invocatióem sancti nóminis tui, ut quicumque ad hanc Ecclésiám ædificándam pura mente auxiliúm déderint, córporis sanitátem, et ánimæ medélam percípiant. Per Christum Dóminum nostrum. R. Amen.

Deinde ponitur in terram aliquod tapete, et desuper faldistorium, super quod Pontifex, accepta mitra, accumbit. Tum dicuntur Litanix usque ad finem, ut in fine hujus secundæ partis. Quibus finitis, Pontifex deposita mitra surgit, et stans versus ad primarium lápídem, dicit :

OREMUS.


ACTIONES nostras, quæsumus Dómine, aspirádo præveni, et adjuvádo proséquere; ut cuncta nostra orátio et operátio a te semper incípiat, et per te cœpta finiátur. Per Christum Dóminum nostrum. R. Amen.

Deinde, paráto cæmento, et cæmentario assistente, Pontifex cum mitra inchoat, schola prosequente, Antiphonam :


1 Toni.



Ma-ne sur-gens Ja-cob e-ri-ge-bat la-pi-dem in



ti - tu-lum, fundens o-le-um de-su-per, vo-tum



vo-vit Do-mi-no : ve-re lo-cus i - ste sanctus



est, et e-go ne - sci-e - bam. Ps. Ni-si Do-



mi-nus E u o u a e.

PSALMUS 126.

Nisi Dóminus ædificáverit domum : * in vanum labo-
ravérunt qui ædificant eam.

Nisi Dóminus custodierit civitátem : * frustra vígilat,
qui custódit eam.

Vanum est vobis ante lucem súrgere : * súrgite post-
quam sedéritis, qui manducátis panem dolóris.

Cum déderit diléctis suis somnum : * ecce heréditas
Dómini, filii, merces fructus ventris.

Sicut sagittæ in manu poténtis : * ita filii excus-
sórum.

Beátus vir qui implévit desidérium suum ex ipsis : *
non confundétur eum loquétur inimícis suis in porta.

Glória Patri, et Filio, * et Spirítui sancto.

Sicut erat, etc.

Quo dicto, Pontifex stans cum mitra tangit, et ponit
ipsum primarium lapidem in fundamento, dicens :



IN fide Jesu Christi collocámus lápidem istum primá-
rium in hoc fundaménto : In nómine Pa-
tris, et Filii, et Spiritus sancti, ut vígeat vera fides hic,
et timor Dei, fratérnaque diléctio, et sit hic locus des-
tinátus oratióni, et ad invocándum, et laudándum no-
men ejúsdem Dómini nostri Jesu Christi, qui cum
Patre, et Spirítu sancto vivit, et regnat Deus, per ómnia
sæcula sæculórum. **R.** Amen.

Interim cæmentarius locat ipsum lapidem cum cæ-
mento, postea Pontifex spargit super lapidem aquam
benedictam, dicens :

ASPERGES me, Dómine, hyssópo, et mundábor : lavábis
me, et super nivem dealbábor.

PSALMUS 50.

MISERERE mei Deus : * secúndum magnam misericórdiam tuam.

Et secúndum multitudínem miseratiónum tuárum ; * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognóscó : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim in iniquitátibus concéptus sum : * et in peccátis concépit me mater mea.

Ecce enim veritátem dilexisti : * incérta et occúlta sapiéntiæ tuæ manifestásti mihi.

Aspérget me hyssópo, et mundábor : * lavábis me et super nivem dealbábor.

Auditui meo dabis gáudium et lætítiam : * et exultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me Deus : * et spíritum rectum innova in viscéribus meis.

Ne projicias me a fácie tua : * et Spíritum sanctum tuum ne áuferas a me.

Redde mihi lætítiam salutáris tui : * et spíritu principáli confirma me.

Docébo iníquos vias tuas : * et impii ad te converténtur.

Libera me de sanguinibus Deus, Deus salutis meæ : * et exultábit lingua mea justítiam tuam.

Dómine lábia mea apéries : * et os meum annuntiábit laudem tuam.

Quóniam si voluisses sacrificium, dedissem útique : * holocáustis non delectáberis.


Sacrificium Deo spíritus contribulátus : * cor contritum et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiões, et holocáusta : * tunc impónent super altáre tuum vitulos.

Glória Patri. Sicut erat, etc.

Quo dicto, Pontifex spargit aquam benedictam per omnia fundamenta, si sunt aperta : si non sunt aperta, circuit aspergendo fundamenta Ecclesiæ designata, hoc modo. Incipiens aspergere, et circuire, inchoat, schola prosequente, Antiphonam :



6. Toni.



O quam me-tu-en-dus est lo-cus i-ste! ve-re



non est hic a - li-ud, ni-si domus De - i,
 et por - ta cœ-li. *Ps.* Fun-da-men-ta e-jus
 E u o u a e.

PSALMUS 86.

FUNDAMENTA ejus in montibus sanctis : * diligit Dominus portas Sion, super omnia tabernacula Jacob.

Gloriosa dicta sunt de te : * civitas Dei.

Memor ero Rahab, et Babylonis : * scientium me.

Ecce alienigenæ, et Tyrus, et populus Æthiopum : * hi fuerunt illie.

Numquid Sion dicet : Homo, et homo natus est in ea : * et ipse fundavit eam Altissimus?

Dominus narrabit in scripturis populorum, et principum : * horum, qui fuerunt in ea.

Sicut lætantium omnium : * habitatio est in te.

Glória Patri. Sicut erat, etc.

Et repetitur Antiphona. Interim aspergendo procedit usque ad tertiam partem fundamentorum apertorum, seu designatorum, ubi subsistit; et repetita Antiphona, Pontifex stans ibidem, deposita mitra, dicit : Orémus.

Et ministri : Flectámus genua. *R.* Leváte.

OMNIPOTENS et misericors Deus, qui Sacerdotibus tuis tantam præ ceteris gratiam contulisti, ut quidquid in tuo nómine digne perfectéque ab eis ágitur, a te fieri credátur; quæsumus imménsam cleméntiam tuam,

ut quidquid modo visitatúri sumus, visites; et quidquid benedictúri sumus, benedicas; sitque ad nostræ humilitátis intróitum, Sanctorum tuorum méritis, fuga dæmonum, Angeli pacis ingrèssus. Per Christum Dóminum nostrum. *R.* Amen.

Deinde inchoat, schola prosequente, Antiphonam :

5 Toni.



Pax æ-ter - na ab Æ-ter-no hu-ic do-mu-i.
 Pax per-en- nis, Verbum Pa-tris, sit pax hu-ic
 do-mu-i. Pa-cem pi- us Con-so-la- tor hu-ic
 præ-stet do-mu-i.

Interim Pontifex, accepta mitra, aspergendo procedit usque ad aliam tertiam partem fundamentorum apertorum, seu designatorum, ibidem subsistens; et finita Antiphona, stans cum mitra, dicit :

OMNIPOTENTEM Deum, fratres charíssimi, in cujus domo multæ sunt mansiónes, súplices deprecémur, ut locum istum nómini suo ædificándum per sereníssimam pietátem suam bene ✠ dicere, sancti ✠ ficáre, et conse ✠ cráre dignétur. Per Dóminum nostrum Jesum Christum, qui cum Patre, et Spíritu sancto vivit et regnat Deus, per omnia sæcula sæculórum. *R.* Amen.

Deinde inchoat, schola prosequente, Antiphonam :

8 Toni.



Be-ne fun-da-ta est do-mus Do-mi-ni su-pra



fir-mam pe-tram. Ps. Læ-ta-tus sum in his, quæ



di-cta sunt mi-hi. E u o u a e.

PSALMUS 121.

LÆTATUS sum in his, quæ dicta sunt mihi : * In domum Dómini ibimus.

Stantes erant pedes nostri : * in átriis tuis Jerúsalem.

Jerúsalem, quæ ædificátur ut civitas : * cujus participatio ejus in idípsum.

Illuc enim ascenderunt tribus, tribus Dómini : * testimoniúm Israel ad confiténdum nómini Dómini.

Quia illic sederunt sedes in iudicio : * sedes super domum David.

Rogáte quæ ad pacem sunt Jerúsalem : * et abundantia diligéntibus te.

Fiat pax in virtúte tua : * et abundantia in túrribus tuis.

Propter fratres meos et próximos meos, * loquébar pacem de te.

Propter domum Dómini Dei nostri : * quæsivi bona tibi.

Glória Patri. Sicut erat, etc.

Et repetitur Antiphona. Interim Pontifex aspergendo procedit per ultimam tertiam partem fundamentorum

apertorum, seu designatorum, revertens ad locum, in quo lapidem imposuit; ubi repetita Antiphona, stans, deposita mitra, dicit : Orémus.

Et ministri : Flectámus génua. *ñ.* Leváte.

DEUS, qui ex ómnium cohabitatióne Sanctórum, ætérnum majestáti tuæ condidit habitáculum, da ædificatióni tuæ incrementa cœlestia; ut quod te jubente fundátur, te largiente perficiátur. Per Christum Dóminum nostrum. *ñ.* Amen.

Subsequenter Pontifex ibidem stans sine mitra, inchoat, schola prosequente, Hymnum :



Ve-ni cre-a - tor Spi-ri-tus,

Mentes tuórum visita,

Imple supérna grátia

Quæ tu creásti pectora.

Qui diceris Paráclitus,

Altíssimi donum Dei,

Fons vivus, ignis, cháritas,

Et spiritalis unctio.

Tu septifórmis múnere,

Digitus patérnæ dexteræ,

Tu rite promissum Patris,

Sermóne ditans gúttura.

Accénde lumen sénsibus,

Infúnde amórem córdibus,

Infirma nostri córporis

Virtúte firmans pépeti.

Hostem repéllas lóngius

Pacémque dones prótinus,

Ductóre sic te prævio

Vitémus omne nóxium.

Per te sciámus da Patrem,
Noscámus atque Filium,
Teque utriúsque Spiritum
Credámus omni témpore.

Deo Patri sit glória,
Et Filio, qui a mórtuis
Surréxit, ac Paráclito,
In sæculórum sæcula. *R.* Amen.

Quo inchoato, Pontifex genuflectit usque ad finem primi versus. Tunc surgit stans, detecto capite, usque ad finem Hymni, quo finito, dicit :

DESCENDAT, quæsumus Dómine Deus noster, Spíritus tuus sanctus super hanc domum ædicándam, qui et dona nostra, et pópuli tui, in ea sanctificet, et ipsius corda dignánter emúndet. Per Christum Dóminum nostrum. *R.* Amen.

OREMUS.

DEUS, qui in omni loco dominationis tuæ clemens ac benígnus dedicátor assistis, exáudi nos, quæsumus, et concéde, ut inviolábilis hujus loci permáneat constructio; et beneficia tui múnis, univérsitas fidélium, quæ tibi súpplicat, percipere mereátur. Per Dóminum nostrum Jesum Christum Filium tuum, qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

Hoc facto, accepta mitra, Pontifex, si placet, sedens ibidem in faldistorio, exhortatur populum ad contribuendum pro structura Ecclesiæ novæ, et aliis opportunis. Deinde dat benedictionem solemnem, dicens :

Sit nomen Dómini benedictum, etc.

Et in fine concedit indulgentias. His expletis, si velit, parat se ad celebrandum Missam in dicto loco, de Sancto in cujus nomine Ecclesia fundatur.

DE ECCLESIAE DEDICATIONE, SEU CONSECRATIONE.

ECCLÉSIAIARUM consecratio quamvis omni die de jure fieri possit, decentius tamen in Dominicis diebus, vel Sanctorum solemnitatibus fit.

Quando autem Ecclesia fuerit dedicanda, debet Archidiaconus prænuntiare clero, et populo, quibus est Ecclesia consecranda; ut priusquam consecratur, jejument. Nam Pontifex consecrans, et qui petunt sibi Ecclesiam consecrari, præcedenti die jejunare debent. Sane sero ante diem dedicationis, Pontifex parat Reliquias in altari consecrando includendas, ponens eas in decenti et mundo vasculo, cum tribus granis thuris; ponit etiam in eo chartulam de pergamento, scriptam sub hac forma: *M. DCCC. etc.... die N. mensis N. Ego N. Episcopus N. consecravi Ecclesiam, et altare hoc, in honorem sancti N. et Reliquias sanctorum Martyrum N. et N. in eo inclusi, et singulis Christi fidelibus, hodie unum annum, et in die anniversario consecrationis hujusmodi ipsam visitantibus quadraginta dies de vera indulgentia, in forma Ecclesiæ consueta concessi.*

Sigillans ipsum vasculum diligenter, et illud in honesto et mundo loco, vel sub tentorio ante fores Ecclesiæ consecrandæ parato ponens, et super ornatum feretrum decenter collocans, cum duobus candelabris, et luminaribus ardentibus.

Celebrandæque sunt vigiliæ ante Reliquias ipsas, et canendi Nocturni, et matutinæ Laudes, in honorem Sanctorum, quorum Reliquiæ sunt recondendæ; imagines vero, cruces et alia ipsa nocte remaneant in Ecclesia consecranda.

Parantur etiam in Ecclesia, quæ ad dedicationem